

(تاریخ اوراق نقدیه بروجه عمومی)

ورقه نقدیه شو اسمندن دخی اکلاشلدیغی وجهله برکاغددرکه عادتاً مسکوکات مقامنده استعمال اولنوب برکسه قبولندن قانوناً امتناع ایدمهز

مسکوکات صحیحه نك قیمت حقیقه سبيله قیمت موضوعه سی بیننده بر نسبت مناسبه اولسی لازم کلور ایکن بونك ضرب و اعمالی مسلم ید اقتدارلی اولان حکومترك حسب المضایقه قیمت حقیقه سی پك ازاولان ویاخود هیچ اولیان شیلری سکه مقامنده استعمال ایلدکلی پك چوق واقع اولشدر فقط اشبو اقیچه مقامنه قائم اولان شیلر قیمت حقیقه لری اولان مسکوکات کی قیمت موضوعه لرینی هیچ بر وقتده محافظه ایدمه مامشلردز

بو قیلدن برده بانقه کاغدی واردرکه اصل و غایت جهتیه بو دخی بر نوع ورقه نقدیه دیمك ایسه ده یئلرنده فرق عظیم موجوددر شویله

شویله که اشبو بانقه کاغدی اسنلیدیکی انده بلا نقصان نقده تبدیل اولندیلوب برده هر کس رد و قبولنده مختاردر اشته بو وجهله بانقه کاغدینک ماده موجود بر قارشولغی اولوب حالبوکه اوراق نقدیده شو امنتر اولیهرق اتی تداوله وضع ایدن دولتک حقانیت وانصافندن بشقه اعتماد واسنادو اولندهحق بر شی یوقدر بانقه کاغدی مسکوکاتک دائره وظائفنی برقات دها توسیع ایدوب بالکلیه انک مقامنه قائم اولمقسزین خدماتنی ایفا ایلر بانقه کاغدی بو وجهله معاملاتی تسهیل ایتدکن بشقه تداولی اقچه دن دها از کلفته محتاج اولدیغندن معاملاتک تکثرینی موجب اولور اشته بو وجهله بالکلیه اقچه ایله ممکن اولیحق صورته ثروت و سامان حصوله کلور فقط شو محسناتی وجوده کتورن اوراق مذکوره اقچه نک قائمقامی اولوب لزومی اولدیقه او صورته تحول ایدر

بر بانقه نک کرک نقد و سبکه و کرک سندات و تحویلات اولهرق موجودی احتیاجات واقعه سنه کافی اولدیغنی مثللو تداوله وضع ایلدیکی اوراق سرماییه سنی اصلا تجاوز ایدمن

کچن دفعه دخی یازلدیغنی وجهله اوراق نقدیه اصولی خیلی قدیم اولوب فقط نوقت ایجاد اولدیغنسک کرکی کبی تعیینی غایت مشکلدر

عند المتقدمین صنعت طباعت غیر معروف اولدیغسندن یونانیلر اثنای محاربانده دوجار مضایقه اولدقلری حالده تیمور پارچه لری اوزرینه بعض خطوط نقشبله قیمت حقیقه سندن یکرمی و نهایت قرق قات زیاده سنه تداول ایتدیریلور و فقط اشبو قیمتسز سکر اثنای محاربه یه مخصوص اولوب مصالحه وقوعنده مسکوکات صحیحیه تبدیل

اولنور ایدی اگرچه بو تیمور پارچه‌لری حسب الماده موضوع بحث
اولان اوراق نقدیه دکل ایسده دکرندن یک چوق زیاده تداول
ایتمسی جهتیله بوتک دخی بر نوع قائمه دیمک اولدیغی درکار در
میلاددن خیلی زمان مقدم تونس طرفلرنده واقع قرناج مملکتده
انقراضندن چوق وقت مقدم دریدن معمول اچمه تداول ایتدیرلشدیر
بالکز آتیه حکومتی مستثنا اوله رق بالجه ملل متقدمه دولتری مسکوکات
مغشوشه استعمال ایدوب حتی روماده دولجه استفاده اولنه جق بر
طریق مشروع عد اولنور ایدی رومانک مشهور مؤرخلرندن بریسی
کمال استحسان ایله شواصولدن بحث ایدرک دولک بوندن نمقدار تمتع
ایلدیکنی بیان ایلشدیر

قرون وسطی (۱) اثناسنده اشبو مسکوکات مغشوشه اصولی عموماً
اوروپا مملکتلرنده جاری اولوب بو وجهله اچمه‌ک قیمت حقیقه سنک
تنقیصی قرالره مخصوص بر امتیاز عد اولتور ایدی فرانسه قرالرندن
کوزل فلیپ اصول مذکوریه زیاده سبیله استعمال ایدوب ژان نام
قرال دخی اسلافک برکزاری اولان شو معرفتده بر قائدها کسب
مهارت ایدرک کندوسی الهجق اولدقده اچمه‌ک قیمتی تزییل و صرف
ایده جک اولدقده تنقیص ایدر ایدی قرال مشار الیه جالس مسند
حکومت اولدقده بر نوع کومش سکه بش لیرا و بش صوا اعتبارنده
اولوب اول سنه ختامنده اون بر لیرایه چبقدی یک اوچبوز اوتوز ایکی
سنه سی اوائلنده درت لیرا بش صویه قدر تنزل ایدوب بر سنه صکره
اون ایکی لیرایه بالغ اولدی بیک اوچبوز الی درتده درت لیرایه اولق
(۱) روماده واقع غرب ایمپراطورلغک انقراضندن استانبولک فتحنه

قدر اولان مدت

اوزره فیئات تعیین اولنوب بر سنه مرورنده اون سکرز لیرایه رسیده اولدی اشته بو وجهله میلادک اون سکرزنجی قرننه قدر بالجه دولتر مضایقه مالیه کرفتار اولدقچه مسکو کاتلرینه حبله قاتملردر جبراً تداولی مشروط اولان اوراق نقدیه اصولی اعتبار مالیه ال زیاده سو استعماله قابل بر ماده در شو کیفیت افساد سکه اصولدن نشأت ایتش بر شی اولوب قیمت موضوعه سنک مادونده اقچه ضرر بدن ایسه بالکله قیمت حقیقه دن عاری اوله ق اوراق نقدیه احداث اولمشدر دولتر بونی تداوله وضع ایلدکرنده وقت و سعتده نقد ایله تبدیل ایده جکلرینی وعد ایده کلدکرندن بعض مرتبه بقای اعتبارینه شو تامینات مدار اولمشدر

چینلور پوصله یی وصنت طباعتی و باروتی اوروپا لوردن مقدم ایجاد و استعمال ایتش اولدقاری مثالو اشبو اوراق نقدیه اصولنده دخی انلره مسابقت ایدوب جنکیر خالک حقیقی قبلای خان هجرتک التیوز سکسان دردنده چینده قائمه تداول ایتدیرمشدر وندیكلو مشهور سیاح مارکو پولو اول اشناده چینده بولندرق اشبو اصولی استحسان و سیاحتنامه سنده بر وجه اتی کیفیتی بیان ایلمشدر

خاقان چین کویا علم اکسیره واقف کی اتی الذکر بر طریق غریب ایله اقچه تدارک ایتکده در شویله که دود اغاجنک قبوغنی صویوب ایخ طرفده یعنی بدنه ملاصق اولان بیاض ماده سنی تفریق و بر هاونده خیر کی اولتجه قدر دوکرل و بونکله عادتاً بموقدن معمول اولان کی کاغذ اعمال ایدرلر فقط بو ده طیانقلی اولور بعده بو کاغذلر مدور الشکل قطعات مختلفه ده قطع اولنوب بونلرک بهری قطعده سنه کوره بر اریال و یا خود نصف و ربعی قیمتده اعتبار اولنور

اشبو کاغد عادتاً التون و کومش مسکوکات کی پک چوق اہمیت و اعتنا الیہ اعمال اولنوب بو ایشہ تعین اولمش اولان مأمورل اوزرینہ مهر و امضایخی وضع ایتدکد نصکرہ مهر دار خاقانی مسلم ید امانتی اولان مهری لعل مرکب ایلہ طبع ایدرک علائم رسمہ بونکلہ تمام اولور تقلیدینہ جسارت ایدنلر قتل ایلہ مجازات اولندیغی مثللو قبولدن استکاف ایدنلر دخی اشبو جزایہ ک رفتار اولورل پای تخت چین اولان پکین شہرندہ اشبو اوراق نقدیہ دن مقدار کلی اعمال اولنوب بالجمہ ایلالترده تداول ایتدیریلور مسکوکات اجنبیہ نداولی ممنوع اولدیغندن ممالک سائرہ تجاری سبیکہ اولہرق التون و کومش ایلہ اینجو و جواہر سائرہ کتوروب استدکری مالی المسق اوزرہ بونلری اوراق مذکورہ یہ تبدیلہ مجبور اولورلر و خارجہ کبدنلر اللرنده بولنان قائمہ یی بالطبع برابر کوتورہ مدکلرندن درون مملکتدہ خرج ایدرلر اولوجہلہ خارجدن ک لان تجار اجنبیہ نک اکتوردکری ذقیمت معادن و احجاری اوراق نقدیہ ایلہ تبدیل ایلک اوزرہ خاقان طرفندن حدودلرہ مخصوص مأمورل تعین و ارسال اولنور بو اصول ایلہ نہ اہالی و نہ دہ تجار بروجہلہ متضرر اولندیغی حالده خاقان چین التون و کومش ایلہ خزینہ سنی طولدیر مشدر قیمت حقیقیہ سی همان هیچ درجہ سندہ اولان نقود موہومہ مذکورہ ایلہ مصارفات دولت تسویہ اولنہرق بوندن کلی استفادہ اولندیغندن دنیادہ بولنان حکمدارلرک هیچ بریسی بو درجہ ثروت و سامانہ مالک اولما مشدر) اتمہی اشبو قوائم چیندہ بر قاج پوز سنہ تداول ایتدکد نصکرہ سیاح مر قومک مایہ ثروت و سعادت دیو مدح و ثنا ایلدیکی شو اصول نہایت بر عظیم فسادی و خاندان ایمراطورینک خلعی موجب اولہرق و دولتی اظہار

اظهار افلاسه مجبور ایدرک الغاسی ممکن اولشد
 چینه اوراق نقدیه ظهور نی متعاقب ایرانده حکومت ایدن مغول
 خانلرندن بعضیسی دخی چینلوره تقلید اوراق نقدیه اعمال و استعمال
 ایلش و بوماده و صاف تاریخندن نقلاً ماه سابق نومر و سنده
 بر تفصیل یازلش اولدیغندن بوراده تکرارینه حاجت یوقدر
 اورو پالور اسبو اوراق نقدیه اصولی ده معقول اولان بر طاقم
 اساسلر اوزرینه وضع ایله استعمال ایلش ایسه لده ینه اصوللری
 خلقک یندن بولنان نقودک اخذیله یرینه قیتمسز اوراق وضعی
 مقصدندن عبارت بولنمشدر بر دولت کاغذ پارچه لرینی معاملاتده جبرا
 تداول ایتدیردیکی حالدده سائر بالجه ابواب اعتباری سد ایتش اولور
 سالف الذکر سیاح مارقو پولونک دیدیکی کبی بر ایکی کون ایچنده
 کیمیا مر اقلولرینک خیال باطللری وجهله هیچدن مبالغ جسیه تحصیلنه
 ظفر یاب اولق پک اعلاشی ایسه ده امثالی دلالتیله ثابت اولدیغی
 اوزره نهایتنک و خیم اولدیغی بی اشتباهدر
 اوراق مذکورهنک اولو حمله هر یرده مضرتی مشهود اولدیغی مثلاً
 در سعادتده دخی بالجه ره سؤ تأثیراتی کوریلوب سلطنت سنیه
 اهالیدن زیاده متضرر اولمشدر کچن سنه امور مالییه دائر ذات والای
 صدارتپناهینک طرف اشرف حضرت پادشاهی یر تقدیم ایلدیکی
 لایحه ده کوسرلیدیکی وجهله قائمدهن طولایی دولت علیه نک سنوی
 اوچیوز ملیون غروش ضرر دیده اولدیغی محققدر بر دولت اخراج
 قوامندن بر مدت موقتہ ظرفنده استفاده ایتسه ییله شو اصولک
 معاملاتجه ایراث ایده جکی انواع محاذیره نظرا پک بهالو کله جکی
 درکاردر بر مملکتده قائمهنک ابتدای ظهورنده بر کسده یر ضرری

اولدقدن بشقه نفودك اوراقه تبدلی ارباب تجارتیه فی الحقیقه سهولتی موجب اوله جغی جهتله اثر ترقی ییله عد اولنور فقط بعده قیمتی تنزله یاشلید رق هر کس النده بولنان قوائمی امتعده یه تبدیل ایتمکده چالیشور و اولوقت بر طاقم صرافلر بونی تجارت مقامده قویه رق بعضلری دیگر لرینک خسار ییله از وقت ظرفنده کلی ثروت و سامانه مالک اولورلر فقط بونی متعاقب شو حال بشقه صورته تحول ایله اوراق نقدیه قیمتک تراید و تدنیسی باعث اندیشه و اضطراب اوله رق ایلروده اقمه نك نه صورت کسب ایده جکی مجهول اولدیغی جهتله ارتق کسه وعده ایله اخذ و اعطایه کر شمرلر اولخالده جله دن امنیت منسلب اولوب بر مدت طولیه یه محتاج اولان معاملاته سکنه کلور بوندن بالجمله اهل تجارت دوچار یأس و فتور اولور ایسده مایه ثروتی بر مدت مدیده مرورنده وعده لری حلول ایده جک قونطراتویه مبنی اولان اهالی دهها زیاده متضرر اولورلر

اشته هر بر مملکتده اوراق نقدیه نك تأثیراتی بوندن عبارت اولوب اسوج و دانیمارقه و روسیه و فرانسه و اوستریا و ممالک مجتمعه امریقا و حتی چین ممالککنده دخی طبقه شو حال واقع اولوب دولت علیه دخی بو بایده استثنا اولنده من اگر کچمش وقتله احاله نظر اولنسه شو افاداتمرده خلاف اولدیغی تسلیم اولنور

قوائم خصوصنده جای دقت اولان بر شی دخی طبیعت وقت و حال اعتباردن سقوطنی ایجاب ایتمش ایکسن قیمت موضوعه سنک بقاسی ضمننده دولتلرک وضع ایلمش اولدقلری قوانین شدیده در بو بایده فرانسه و روسیه و اوستریا ده اتخاذ اولنان تدابیر وقتیه چینه اتخاذ اولنان تدابیره مطابق بولنمشدر

یالکز انکلهتره دولتی میلادک بیک یدی یوز طقسان یدی سنه سنده
 چیقاردیغی اوراق نقدیه بی صورت معتدله و نافعه ده استعماله موفقی
 اولمشدر دولت مشارالیها بونی سائرلی مثللو بر ایراد عد ایتیموب مجرد
 دیون غیر منظمه سنی اسهامه تحویل ایتک مقصدیله بر تدبیر موقت
 اولق اوزره استعمال ایتمشدر نهایت قیمتی یوزده بیکرمی تنزل ایدوب
 بودخی نابولون محاربه لری اثناسنده واقع اولمشدر بیک سکر یوز بیکرمیده
 مسکوکات ایله فرقی یوزده ایکی یه تنزل ایدوب بوندن بر سنه مرورنده
 باشه باش انوب ویرلمشدر

روسیده مسکوکات ایله قائم ییشنده دولتجه رسماً تصدیق اولنان فرقی
 یوزده درت یوزه بالغ اولمشدر

اوستریاده یوزده بیک ایکی یوزه قدر واصل اولوب یعنی اون ایکی
 فلورینلک قائم بر فلورین اقچه مقابلنده تبدیل قلمشدر
 هله فرانسه ده آسینیا تعبیر اولنان قوائم بالکلیه اعتباردن ساقط
 اولهرق عادی کاغذ حکمنده قبه ایله صائلمغه باشلندی اشبو اسیتیلک
 صورت ظهور و تداولی بوجه اتی مختصراً بیان اولنور

بیک یدی یوز سیکسان طقوز سنه سنده فرانسه دولتشک دیونی فوق الغایه
 تکثر ایلدیکندن بونک تسویه سنه مدار اولق اوزره من القدیم کلپسار
 اوقافی اولهرق رهبان طاقنک ید تصرفنده بولنان کلیتو املاک
 جانب میری یه ضبط اولندی بونلر صائیلغه چیقارلمش ایسه ده هر
 فصله دوچار عقده تأخیر اولوب دولتشک ایسه مضایقه مالیه سی
 کونیکون تزیاید ایتدیکندن املاک مذکورتهک مقابلی اولق و یالکز اهل
 تجارت معاملات واقع لرنده قبول ایتک اوزره اسپنیا اسمیله حواله
 سنداتی چیقارلسنه قرار ویر یلهرک کیفیت اعلان قلندی

يك یدی یوز طقسان سنه سی نيسانك ابتدا سنده برنجی ترتیب اولق
اوزره درت یوز میلیون فرانقلق حواله سنداتی چیقارلدی اشبو اوراق
قاعده املاك میریه اوزرینه حواله دیمك اولدیغندن اعتباری
محافظه ایده بیلسی لازم کلسور ایسه بر ازوقت مرورنده نفودك
فقداینتی مناسبیله سندات مذکورك نقد مقامنده ایادیده تداول ایلمسی
افتضا ایده چکی اعلان قلندی و بوتك اوزرینه دولجه احتیاج مس
ایتدکجه مقداری تزید اولته رق يك یدی یوز طقسان ایکی سنه سی
ایلولنده ایکی میلیار یدی یوز میلیونه و بر سنه صکره بش میلیاره ابلاغ
اولندی يك یدی یوز طقسان بش مایسنده سکر میلیاره و سنه مذکوره
آخرنده یکر می میلیاره قدر واصل اولدی نهایت يك یدی یوز طقسان
التي ابتدا سنده ارتق آسبنیا چیقارلمسی ترك اولوب بر مقداری دخی
قونستانا اسمبله تداولده بولوب اولوقته قدر مقداری دخی قرق بش
میلیار فرانقه بالغ اولش اولان دیگر بر جنس اوراق ایله تبدیل
و سنه مذکوره شباطنده آسبنیانك قالبری علی ملائ الناس کسر اولندی
يك یدی یوز طقسان اوج اغستوسنده آسبنیانك اعتباری قیمت
موضوعه سنك انجق الیده برینه مساوی اولوب دولت مسکوکاتی
تداولدن قالدیرمق و جوبانك فیثاتی برحد معینی تجاوز ایتمك
و بر بدل معین ایله آسبنیایی قبوله هر کسی مجبور ایتمك و امثالی تدابیر
شدیده اتخاذ اولمش ایسه ده بر فائده یی نتیج اولوب يك یدی یوز
طقسان بش مارتده طقوزده بر قیمتده تنزل ایلدی دولت هر تقدرشو
تنزلك استحصال اسباب اندفاعنه سعی بلیغ ایلمش ایسه ده نهایت
کندوسی دخی بر قاج دفعه بونی تصدیقه مجبور اولش و حتی يك
یدی یوز طقسان سنه سنده اهلیدن صورت جبری ده وقوع بولان

استقر اضده

استقراضده آسبنیا اوراقی یوزده بر جزئی قیمته یعنی بر فراتعلق سکه بدلنده یوز فراتعلق قائمه اخذ اولمشدر شو حاله کوره تداواه وضع ایدنلر نظرندہ دخی بو درجه محقر اولان اوراقک ترک استعمالی لازم کلور ایکن اول سنه طرفنده سنین سابقه دن زیاده اوراق چبقارلمش و قیمتی یوز جرونک نصنه تنزل ایدوب چحوق کچمکسزین تقویم پارینه کی بالکلیه اعتباردن ساقط اولمشدر

امر بقاده دخی اوراق نقدیه طبق فرانسه ده اولدیغی کی اولمشدر اوراق نقدیه نک احوال تاریخیه سنه عطف نظر دقت اولندیغی حاله کافه ممالکده مسکوکات مغشوشه ضربی و پولیچه و امثالی سندات استعمالی متعاقب ظهور ایلدیکی اکلاشیلور ~~کک~~ چینده و ایرانده و کرک اوروپانک شمال و جنوبنده نتایج و تأثیراتی سیاق و احد اوزره مشهود اولوب شویله که اولاشیا بلا واسطه نقود یکدیگریله مبادله اولوب بعده اصداق و امثالی بر طاقم شیلر واسطه مبادله اتخاذا اولمش و اندنصرکه ذیقیمب معادن و بونی متعاقب مسکوکات مغشوشه استعمال قلمشدر بعده پولیچه و امثالی اوراق ظهور ایدرک دولتر بونی اوراق نقدیه تحویل ایلشدر مؤخرأ اشبو اوراق نقدیه مستقل و مسئول اولق اوزره تأسیس اولنان بانقه اداره لری طرفدن چبقارلمش و بو اصول و سائط مبادله نک توفیریه برابرک معتبر نقوددن زیاده معاملاتک حسن جریانته مدار اوله رق قوائم نقدیه اصولنک ایقاع ایلدیکی سو استعمالاتی بر طرف ایلشدر اشنه بدایت عالمدن بو کونه کلنجیه قدر انسانک مبادله اشیا و اعمال ایچون استعمال ایلدیکی و سائط متنوعه مواد مشروحه دن عبارتدر

(منیف)